



ს ა ქ ა რ თ ვ ე ლ ო
სამბრედიის მუნიციპალიტეტის საკრებულო



ოქმი:ლ63. 6324198001

თარიღი:16/07/2024

**სამბრედიის მუნიციპალიტეტის V მოწვევის საკრებულოს
განათლების, კულტურის, სპორტისა და ახალგაზრდულ საკითხთა
კომისიის გასვლითი სხდომის
ო ქ მ ი N8**

ქ.სამბრედია 10 ივლისი. 2024 წელი

მიმდინარე წლის 10 ივლისს სამბრედიის მუნიციპალიტეტის V მოწვევის საკრებულოს განათლების, კულტურის სპორტისა და ახალგაზრდულ საკითხთა კომისიის თავმჯდომარის, ირაკლი მელაშვილის თავმჯდომარეობით, ჩატარდა განათლების, კულტურის სპორტისა და ახალგაზრდულ საკითხთა კომისიის გასვლითი სხდომა.

სხდომას ესწრებოდნენ: ირაკლი მელაშვილი, გოჩა არველაძე, აკაკი მინაშვილი, ბადრი შენგელია, გიორგი ლეჟავა, გრიგოლ ჩიგოგიძე, ლელა ჩორგოლაშვილი, მარიამ ბარბაქაძე, ტარიელ დვალიშვილი.

ასევე სხდომას ესწრებოდა:

1. მერის წარმომადგენელი დიდი ჯიხაიშის ადმინისტრაციულ ერთეულში - ნუგზარ ნუცუბიძე.
2. სოფელ დიდი ჯიხაიშის მე-18 ქუჩის მცხოვრებნი - კობა მანჯგალაძე, ალექსანდრე ლეჟავა, ნუნუ ნუცუბიძე, თამაზ ნუცუბიძე, პერო ნუცუბიძე, მედეა ნუცუბიძე, გია ნუცუბიძე, თამარ მარგველანი, მზია ემუხვარი, ალექო ნუცუბიძე, ბადრი პაიკიძე, ელგუჯა ნუცუბიძე, მაკა კვიციანი.

დ ღ ი ს წ ე ს რ ი გ ი:

1. სამბრედიის მუნიციპალიტეტის სოფელ დიდი ჯიხაიშში მე-18 ქუჩისთვის სახელის შეცვლისა და შალვა ნუცუბიძის სახელის მინიჭების შესახებ.

/მომხსენებელი: ირაკლი მელაშვილი/

2. სხვადასხვა.

კომისიის თავმჯდომარის წინადადებით, კომისიის წევრებმა (9 ხმით) კენჭი უყარეს დღის წესრიგს.

კენჭისყრის შედეგად, განათლების, კულტურის, სპორტისა და ახალგაზრდულ საკითხთა კომისიის წევრთა (9 ხმით) და დღის წესრიგი იქნა დამტკიცებული წარმოდგენილი სახით.

დღის წესრიგის I საკითხთან დაკავშირებით მომხსენებელმა, ირაკლი მელაშვილმა, სოფელ დიდი ჯიხაიშის მცხოვრებლებს მოახსენა, რომ მათ მიერ შემოტანილი განცხადება, სახელის მინიჭებასთან დაკავშირებით, განათლების, კულტურის, სპორტისა და ახალგაზრდულ საკითხთა კომისიამ განიხილა.

ირაკლი მელაშვილი - მოგახსენებთ, რომ განათლების, კულტურის, სპორტისა და ახალგაზრდულ საკითხთა კომისიის მიერ განხილულ იქნა თქვენს მიერ შემოტანილი განცხადება, სადაც ითხოვთ, რომ სამტრედიის მუნიციპალიტეტის სოფელ დიდი ჯიხაიშში მე-18 ქუჩას შეეცვალოს სახელი და მას მიენიჭოს (ეწოდოს) შალვა ნუცუბიძის სახელი.

მოგახსენებთ, რომ განათლების, კულტურის, სპორტისა და ახალგაზრდულ საკითხთა კომისიის ყველა წევრი მხარს უჭერს ერთხმად შემოაღნიშნული საკითხს.

ყოველი გადაწყვეტილება, სახელდებასთან დაკავშირებით, ითვალისწინებს მოსახლეობასთან კონსულტაციას. შესაბამისად, ჩვენმა კომისიამ გადაწყვიტა ჩაეტარებინა გასვლითი სხდომა და მოსახლეობისთვის ეკითხა აზრი.

აზრი გამოთქვეს კომისიის წევრებმა და სოფელი დიდი ჯიხაიშის მე-18 ქუჩის მცხოვრებლებმა.

გიორგი ლეჟავა - მხარს ვუჭერ და მივესალმები სოფლის მცხოვრებთა ინიციატივას, რომ ქუჩას დაუბრუნდეს, მსოფლიო დონის მეცნიერის, შალვა ნუცუბიძის სახელი.

ნუნუ ნუცუბიძე - მადლობას გიხდით ყველას, ვინც ამ კეთილ საქმეში იღებთ მონაწილეობას და მოხარული ვიქნებით თუ ჩვენი მოთხოვნა დაკმაყოფილდება. ეს ქუჩა ნამდვილად იმსახურებს თავისი წარსულით და დღევანდელით, რომ დიდებული ადამიანის, შალვა ნუცუბიძის სახელი ეწოდოს. მინდა გითხრა, რომ დიდი ისტორიის მქონე ქუჩაა და აღსანიშნავია, ის რომ ამ ოჯახებიდან 1937 წელს 14 ნუცუბიძის გვარის წარმომადგენელი დახვრიტეს, ხოლო მათი შთამომავლობისთვის სულ იყო საშიშროება, რომ აქ თავს ვერ დაიმკვიდრებდნენ. იგივე ბედი ელოდა შალვა ნუცუბიძესაც, რადგან 1938 წელს ის დააკავეს და მოსკოვში გადაიყვანეს. ციხეში ყოფნისას, იოსებ ჯულაშვილის დაკვეთით მას დაევალა „ვეფხისტყაოსნი“-ს თარგმნა, რის სანაცვლოდაც ის პატიმრობიდან გაათავისუფლეს. ჩვენ ვამაყობთ, რომ ეს ღირსეული ადამიანები იყვნენ ამ ქუჩის მცხოვრებნი.

კობა მანჯგალაძე - აღსანიშნავია, ისიც რომ მე-18 ქუჩის მცხოვრებთა უმეტესობა გახლავთ ნუცუბიძე, ხოლო 19 ოჯახი გახლავთ პედაგოგთა ოჯახი. მადლობა მინდა გითხრა მხარდაჭერისთვის.

ტარიელ დვალიშვილი - მივესალმები მოსახლეობის ინიციატივას და მხარს ვუჭერ, რომ მე-18 ქუჩას მიენიჭოს ისეთი გამორჩენილი პიროვნების სახელი, როგორც შალვა ნუცუბიძე იყო, რითაც შემოაღნიშნული ქუჩის მცხოვრებნი ნამდვილად იამაყებენ.

ბადრი შენგელია - ნამდვილად დიდებული პიროვნება იყო და ვფიქრობ რომ მისი სახელის უკვდავსაყოფად დიდი საქმე გაკეთდება.

ირაკლი მელაშვილი - როგორც მოსახლეობასთან კონსულტაციით ირკვევა, სოფელ დიდი ჯიხაიშის მცხოვრებნი ერთხმებით და მიესალმებით, რომ სოფელ

დიდი ჯიხაიში მე-18 ქუჩას მიენიჭოს შალვა ნუცუბიძის სახელი.

ჩვენ მოვამზადებთ დოკუმენტაციას, სამთავრობო კომისიაში გასაგზავნად.

დაადგინეს: კომისიის წევრებმა კენჭისყრის შედეგად, (9 ხმით) მიიღეს გადაწყვეტილება, რომ ზემოაღნიშნულ საკითხთან დაკავშირებით მომზადდეს შესაბამისი სამართლებრივი დოკუმენტი და მიემართოს სამთავრობო კომისიას.

სხდომის მდივანი: /ნათია დოლიძე/

ირაკლი მელაშვილი

სამტრედიის მუნიციპალიტეტის საკრებულო-განათლების, კულტურის, სპორტისა და ახალგაზრდულ საკითხთა კომისია-განათლების, კულტურის, სპორტისა და ახალგაზრდულ საკითხთა კომისიის თავმჯდომარე

გამოყენებულია კვალიფიციური ელემტრონული ხელმოწერა/ ელემტრონული შტამპი

